



Châng thlan: *Thufingte 11:4, 28.*

Zirlâite tân:

Hriat tûr: Pathianin khawvêl thilte tlân chhiatsan dân kawng a lo buatsaih sa chu an hmuchhuak ang.

Vei tûr: Thlarau lam tihthar lehna changin khawvêl thilte tlânsan tawh nun chu an chang ang.

Tih tûr: Khawvêl thil ngainatna lama lêt leh tûra thlêmnate chu an do zo vang.

THUPUI THEN:

I. Hriat tûr: Isua hria-in

- A. Eng tin nge Pathian Lehkhabu ngun taka chhiar hian ngaihhlut zâwng hre thei tûr leh thlarau lam nun chawh harhna chu neih châk thei tûrin mi a siam thîn le?
- B. Eng tin nge ɣawngɣaina hi kan duhzâwng thlenna ni ngawt lova, thlarau lam siam thar lehna hmanrua a lo nih zâwk theih nân kan hman theih ang?
- C. Khawvêl thilte duhna hneh tûra finna-in hnâ a thawh chu eng nge ni?
- D. Eng tiangin nge Thlarau Thianghlim leh Pa Pathian-te hi kan nunin kawng dik a zawh leh theihna tûrin an thawh dun le?

II. Vei tûr: Isuan min chênchilhna chu hriain

- A. Eng tin nge kan nun hi Pathianin a chênchilh a ni tih hriatna thûk zâwk kan lo neih theih ang?
- B. Eng tin nge thlarau nun siamthar lehna kawnga Thlarau Thianghlimin hnâ a thawh hi a pawimawhzia kan lo hriat theih ang?

III. Tih tûr: Kan ɽawngɽaina nun lantîrin

- A. Thlarau lama harhtharna chang tûra sâwmna chu eng tin nge kan lo chhân?
- B. Kristiante hian muang fân raih leh ding tak sî a ɽanna kawng kan zawh zêl theih nân eng tin nge rilru sosâng leh hniam phut ɽhîn hi kan pumpeh theih ang?
- C. Thlarau lam nun ɽhang duang tak kan neih theihna tûra rahbi kan zawh tûr awm chu engte nge ni?

KHÂIKHÂWMNA: Thlarau lam nun chher ɽat hi khawvêl thilte tlânchhiatsanna kawng ɽha ber leh awm chhun a ni. Bible chhiar, ɽawngɽai, rawngbâwlnaa inhman, inpâwl ho leh Pathian thil siam mâwi tak takte ngaihtuahna hian kan khawvêl thlîr dân a tidanglam a, thlarau lama thianghlim tûrin min sâwm a ni.

INZIRTÎR DÂN TÛR

RAHBI 1-NA—Chawk phûr rawh

Bible châng thlûr bing tûr: *Thufingte 11:4, 28.*

Thlarau ɽanna atâna thu pawimawh: *Thlarau nun hi ringtûten anmahni Siamtu leh Tlantu ni kawp Isua nêna thlarau lama inzawmna thûk tak an neih theihna tûr thilte an tih ɽhinna aɽang chauha lo awm thei a ni.*

ZIRTÎRTÛTE PUÁL: Huan enkawltu leh loneitute hian an thlâi chîn leh lei chu a inzawm reng a pawimawhzia an hria a. Thlâi chu a ɽona hmun ata an pawt phâwi a nih chuan a thi mai ang. Thlâi inngahna ber a zung hian lei nêna inzawma châw a dawng reng a nih loh chuan thlâi a vawng nung thei lo va, rah lah a chhuah thei hek lo. Thlâi zung leh lei chu thlâi a nun theih nân a inzawm reng a ɽûl. Ni-êng leh hnâwng (tui) pawhin pawimawhna an nei vê tho nachungin, thlâi zungin a mamawh chaw ɽha awmna lei a hmuh sî loh chuan thil dangte hian hlutna an nei thei tak tak chuang lo a ni.

Hetiang bawk hi thlarau lam nunah pawh a ni a. Kristiante chu Isua hnâia an awm reng loh chuan Kristian a nihna anga an ɽhan lenna kawnga pawimawh êm êm thlarau lama inpawhna chuan zung a kaih theih lo. Chuvângin, Bible chhiar, ɽawngɽai, Kristianpuite

nêna inpâwl ho, leh rawngbâwl te hi Kristian nuna thil chuangtlâi anga ngaih ngawt theih a ni lo. Chuti a hnehin, thlarau nun thanna atâna thil tûl leh pawimawh êm êmah kan ngâi tûr a ni zâwk.

Sawi hawn nân: Tûn kêr zirlai i zir hmâ hian thlâi pakhat chu a zung nêl lam pawt phâwi la, ni sa hnuaiah pho la, tichuan thi rawh se. Chu thlâi thi tawh hnû chu in Sabbath Sikul class-ah rawn keng la. In class chuan biak in tualah emaw zirlâi in zir thîn a nih chuan, chutiang thlâi thi tawh hnû chu rawn ken kher pawh a ngâi hran lo va, biak in sîr leh tual vêla thlâi awmte chu in ring nghâl mai dâwn nia. Tichuan, i class member-te hnênah khân thlâi thi tawh leh la nung-ten inana an neih chu engte nge ni tih zâwt la, a pianhmang, len zâwng, leh an rawngahte pawh a ni maithi. Chumi hnû chuan an danglamna langsâr deuh deuh te zâwt leh baw ang che. Tichuan thlâi thi tawh hnû chu eng vânga thî ta nge a ni tih zâwt la. A zung nêl lam pawt phâwia a awm avânga thi ta a ni tih hrilh la, chumi hnû chuan kan thlarau lam nun nêl i khâikhin zui dâwn nia. Pathianin kawng hrang hranga a khawngaihna min chantîr chu dawng chhunzawm reng lo ta ila, kan thlarau lam nunah hian eng thil nge lo thleng vê ang le?

RAHBI 2-NA—Zawng chhuak rawh

ZIRTÏRTÛTE PUÂL: Pathian Lehkhabu-a thu khal berte zînga pakhat chu *Rome 8:4–6*-ah hian kan hmû a: “Chû chu tîsa dân anga awm lo va, Thlarau dân ang zâwka awm *keimahni*-ah hian dânin a phût chu hlen chhuah a nih theihna tûrin a ni. Tîsa dân anga nungte chuan tîsa thilte ringawt rilru berah an nei thîn a; Thlarau dân anga nungte erawh chuan Thlarau lam thilte chu an ngaihtuah thung thîn. Tîsa lam thila rilru dah chu thihna a ni a; Thlarau lam thila rilru dah erawh chu nunna leh thlamuanna a ni” (NRSV, *kan uar duh lâi hawrawp âwna dah a ni*). Paula—Rome Lekhathawn bung tîr lama Isuan dânin a phût thilte a hlen chhuah dân chungchâng sawitu khân, tûnah chuan dânin a phût thilte chu *keimahni*-ah hlen chhuah a nih tâk thû huai takin

a sawi a. Kristian kan nih hmâ nun leh kan nih hnû (nun thar kan neih hnû) nun danglamna chu kan rilru-in a ngaihtuah ber, a tinzâwn ber inang ta lo hi a ni; a rah chhuah pawh a danglam khawp mai baw—nunna leh thihna a ni. Vân lam thilte chu ngaihtuah bera kan neih theih nân eng thilte nge kan tih thin ngâi ta le?

ZIR ZÂUNA

I. Vânrâm thumal (*Sâm 119:11; Johana 5:39, 20:31; Luka 24:27; 1 Thesalonika 2:13*).

“Zâiin rawn hril la ka hnênah,/ Nunna thu mak tak chu,/ A mâwina lo hmu zual ila,/ Nunna thu mak tak chu. /Nunna thu mâwi tak chu, /Rin dân min zirtîr la,/ Thu mâwi tak chu, thu mak tak chu, nunna thu mak tak chu.”—*Adventist Hla Bu*, no. 140. Hetiang hian Kristian hla lâ leh chuai thei lo, kum 1874-a P.P. Bliss-an a lo puah chu a inñan a. Pathian Lehkhabu-a innghat thlarau lam nun chu chang tûra sâwmna thu a ni. Hla puah thiam te, Pathian thu thiam te, sumdâwng mi te, leh a chhiar thîn rêng rêngte chuan nun siam thar lehna atâna Pathian Lehkhabu hlutna hi an hre tlâng vek a. Mîten Bible an chhiar ațanga thutak an lo chhar thar tâk thu hi kan hre fo hlawm ngei ang.

Thlarau lam nun ãhan zêlna atâna Pathian Lehkhabu hlutna hi chhût chhuah zawh rual a ni lo. Pathian Lehkhabu hian sual kan ti tûr min dang a (*Sâm 119:11*). Hetianga min dân dân hi mita hmuh theih chu ni lo mah se, mi a dang tak tak a ni. Hmânlâi Farisai-te tih dân anga kan thawmhnâwa Pathian Lehkha thu eng eng emaw chillh beh ang chí kha chu a ãul hran lo va (tûnlâi pawh hian mi ãhenkhat chuan an T-shirt-ah te Bible châng ãhenkhat an chhu kâi ãhîn); mahse nî tina Bible chhiar leh ãawngțai hmanga kan thinlunga Pathian Thu dah hi chu kan ngaih pawimawh ber a ni tûr a ni thung. Thesalonika khua ringtu awmte hnêna Paulan a lo sawi hi tûnlâi huna Kristian zawng zawngte tân pawh hian a la pawimawh reng tho: “Tihduhdahna in tuar chung pawhin, Thlarau Thianghlim a neih tûr che u lâwmna

nên in lo dawng ta a, chutichuan ringtu zawng zawngte entawn in lo ni ta,” (*1 Thess. 1:6, 7, NRSV*).

Ngaihtuah teh: Eng tiangin nge Pathian Lehkhabu hian sual lakah mi a humhim le?

II. Vân mîte nêna inbiak pawhna (*Efesi 6:18; Marka 11:24; Luka 11:1–13*).

Sâp pastor pakhat, Samuel Chadwick-a chuan heti hian a lo sawi a: “Setanan a tum ber pakhat chu ãawngtâi lo tûra Kristiante awmtîr a ni a. ãawngtâina nêna bul ãan lova lehkha zir a, ãawngtâina nêna bul ãan lova hnâ thawk a, ãawngtâina nêna lova sâkhaw kalpui tûrin min duh a ni. Kan thawhrimnate hi mi a nuhzat ãhîn a, kan finnate hi a dâusawh bawk; mahse kan ãawngtâi hi chuan a khûr thung ãhîn a ni.”

Hei hian ãawngtâi pawimawhzia a sawifiah hlê. Mihringte zînga mi ãha famkim awm chhun Isua chu fianrial ãawngtâi hun hmang tûrin tlângah a kal ãhîn a. Mi ãha famkim Pathian Fapa pawhin Pathian pâwlna nêna bul ãanna hmanga ni hman a mamawh a nih sî chuan, keini mi famkim lo, thi thei leh mi sualte phei hi chuan kan mamawh lehzual hlê lo vang em ni? ãawngtâi chu kan ãhian hnêna kan thinlung kan hawnna a nih sî chuan, chutiang hamãhatna ropui tak chu eng vângin nge kan ngaihthah theih ang—he kan ãhiana hi ãhian namai lo tak a ni lehngâl bawk sî a?

Isua ûnaupa Jakoba chuan heti hian a sawi a: “Rinnaa ãawngtâina chuan damlo chu a tidam ang a, LALPAN ani chu a kâi tho leh bawk ang; tu pawh thil sual lo ti tawhte chu ngaihdam an ni bawk ang. Chuvângin, in sualte chu inpuang tawn ula, inãawngtâisak tawn bawk rawh u, chutichuan tihdam in ni ang. Mi fel ãawngtâina chuan thil a ti thei a, a sâwt bawk a ni (*Jakoba 5:15, 16, NRSV*). Kan chuapin boruak a mamawh ang hian keini pawhin ãawngtâina chu kan châk vê tûr a ni.

Ngaihtuah teh: Eng tin nge sipaite hian inbiak pawhna tha tak nei lovin indonaah hnehna an chan theih ang? Chutiang chiah chuan, keini pawh hian kan Hotupa ber nêna inbiak pawhna tha tak nei lo hian Setana hi kan hneh thei bik dawn em ni?

III. Vân ațanga lo chhuk finna (*1 Lalte 3:9–14; Thufingte 8:11; 24:13, 14; 1 Korin 3:19*).

Finna hi chu thil hriatna ringawt ang hi a ni lo va. Kan thil hriat leh lo tawn tawh ațanga thutlûkna awmze nei leh dik siam theihna nêna a inzawm tlat a ni. Hun eng emaw ti chhûnga hriatna kan lo khâwl khâwm tawh, hun leh hmun danga a taka kan hman leh fin fiah tawhte hi a kâwk a ni. A hun leh hmun mil zêla hriatna hman thiam a kâwk baw k a. Solomonan tha taka Israel hnam a kaihhruai theihna atâna Pathian hnêna finna a dîl ang kha a ni. Hmâkhawsânga, chatuan atâ hriatna leh nunin a lo tawn tawh chhût zawh rual loh khawpa tam neitu, mahni ngeina be thei Krsitiantie âia finna nei thei zâwk tûr dâng tu nge awm ang le?

Ngaihtuah teh: Eng tin nge Thlarau Thianghlim chuan Pathian ațanga chhuak finna chu hmang țangkâi thei tûrin min puiah ang le?

RAHBI 3-NA—A taka nunpui tûr

ZIRTÎRTÛTE PUÂL: Tûn kâr zirlâi hi ringtu kan nihnaa kan than zêlna tûr atân a pawimawh khawp mai a; chutih rual chuan, sawi hona nung leh nuam tak nêna kan tâwp ngawt a nih chuan zirlâiin min zir chhuahpui a tum hi kan man lo Chiang hlê tihna a ni ang. Thlarau lam than len zêlnaah hian kan hlawhtling dawn a nih chuan in class member tinte khân țawngțaina leh Bible chhiar hi tihțhana an neih ngei a tûl a ni.

A taka tih zui theih zawhnate:

❶ Eng tin nge Bible chhiar hi tihțhanah kan lo neih vê theih ang?

- ② Eng tin nge ning lo leh sawi ngâi sawi nawn sawi nawn lovin, ðawngtâina hun kan hman vê theih ang?
- ③ Finna kan lo neih theihna tûra rahbi kan zawh ngâi awm chu engte nge ni?
- ④ Kan rilru mipui deuhthe nêna inkawmna hian eng tin nge Bible chhiar tam tûr leh ðawngtâina nun nei thei tûrin mi a puiah ðhin?
- ⑤ Kohhran chanchin kal tawhte chhiar hian eng tin nge finna nasa zâwk nei thei tûrin mi a ðanpui?
- ⑥ Pathian nêna hun hman tam hian thlarau lam ðhanna nei thei tûrin min ðanpui em?
- ⑦ Mite rawngbâwlsakna hmanga thlarau lam dânte zawh hian eng tin nge thlarau lama pian tharna a thlentîr ðhin?

RAHBI 4-NA—Boruak siam rawh

ZIRTÎRTÛTE PUÂL: I class member-te kha an nî tin nuna ðawngtâina leh Bible chhiar telh ngei tûrin fuih rawh.

Tih tûrte:

- ① I ðiante hnênah khân i ðawngtâi lâi, Bible i chhiar lâi leh Kristian i nihna anga mi dangte rawng i bâwlsak lâi thlâ lo la tûrin hrilh la, chû chu in chhûng hmun langsar lâi deuhah târ chhuak ang che.
- ② In inah emaw, i hnathawhna hmunah emaw khân chhûng inkhâwm neihna tûr hmun bîk siam ula. Chumi hmun chu ðawngtâi nân leh Bible chhiar nân chauh hmang ðhin ang che u.
- ③ Bible i chhiar mêk lâi khân Kristian i nihna anga i rawngbâwlna tûr kawng hrang hrangte ziaak chhuak la.
- ④ Pathian nêna in biak tawwna zawng zawng ziah chhuahna bu siam la. A hnênah ngenna i thlente zâwnah khân ani'n a rawn chhân tawhna che ziaak zêl bawk ang che.